



KENYATAAN MEDIA

www.jkkn.gov.my

UNTUK SIARAN SEGERA

Bil. 3 / 2021

“ALERT”: Sekolah Bimbingan Jalinan Kasih (SBJK) merupakan sekolah di bawah seliaan Kementerian Pendidikan Malaysia yang menempatkan pelajar yang terdiri daripada anak-anak jalanan, terpinggir, tanpa dokumen pengenalan diri dan anak-anak yatim piatu yang tinggal di bawah pusat jagaan kanak-kanak yang berdaftar berumur dari 4 tahun hingga 19 tahun.

JKKN SUMBANG PERALATAN SENI BUDAYA KEPADA SEKOLAH BIMBINGAN JALINAN KASIH

KUALA LUMPUR, 9 Mac 2021 - Jabatan Kebudayaan dan Kesenian Negara (JKKN) dengan kerjasama Persatuan Seni Budaya Putra telah mengadakan Majlis Penyerahan Sumbangan Peralatan Seni Budaya Kepada Sekolah Bimbingan Jalinan Kasih (SBJK) Chow Kit, Kuala Lumpur pada 9 Mac 2021 (selasa) pukul 11.00 pagi bertempat di Bilik Seminar JKKN. Majlis Penyerahan sumbangan ini disampaikan oleh YBrs. Tuan Haji Mesran bin Mohd Yusop, Ketua Pengarah JKKN kepada YBrs. Tuan Haji Azman bin Haji Mashuri Pengetua Sekolah Bimbingan Jalinan Kasih (SBJK), Chow Kit, Kuala Lumpur.

Program ini merupakan kesinambungan daripada program JKKN di bawah program Seni@Kasih hasil kerjasama antara JKKN dan SBJK bermula sejak tahun 2017 sehingga kini. Antara tujuan program ini diadakan adalah untuk menyemarakkan dan membangunkan pelajar-pelajar dengan aktiviti seni dan budaya. Dalam program ini, para pelajar telah dibimbing dan diberikan pembelajaran asas seni budaya yang

merangkumi bidang tari, teater, muzik dan asas teknikal yang telah dijalankan secara berkala di sekolah dan juga di premis JKKN.

Sebagai jabatan yang terus berusaha dalam menyemarakkan aktiviti seni budaya, JKKN telah menghantar tenaga pakar dan jurulatih yang terdiri daripada pegawai serta Artis Budaya JKKN untuk membantu mengajar di sekolah ini. Pada tahun 2019, seramai 32 orang pelajar mewakili bidang asas tarian dan asas muzik moden.

Kerjasama dan sokongan yang baik antara JKKN dan pihak sekolah telah dapat memberikan keyakinan dan memupuk semangat pelajar-pelajar untuk berani tampil ke atas pentas. Ini dapat dibuktikan pada tahun 2020, pelajar SBJK telah berjaya mendapat *Anugerah Best Children's Performance Art Video dan The Best Online Performance of Global Yoga Festival 2020- Rotary Indo-Malaysia*.

Bagi meningkatkan kualiti pembelajaran melalui teori dan praktikal, program ini diteruskan lagi pada tahun ini dengan pemberian sumbangan Peralatan Seni Budaya seperti peralatan muzik dan busana tradisional serta aksesori. Sumbangan ini adalah merupakan kerjasama JKKN bersama Persatuan Seni Budaya Putra. Sumbangan bagi peralatan seni budaya ini berjumlah RM16,000.00 yang merangkumi 2 set alat muzik keyboard, 10 set alat muzik ukulele dan 10 set Busana tarian Tradisional serta 10 set Busana Pemuzik.

“JKKN berharap melalui program seumpama ini dapat mengelak golongan remaja dan belia yang terbiar daripada keluarga gelandangan dari terjebak dengan gejala tidak sihat malah dengan adanya aktiviti ini JKKN sentiasa peka mencari inisiatif untuk memberi nilai tambah, pembaharuan ke arah transformasi dan menjadi pemangkin kepada perkembangan seni budaya tanahair melalui Asuhan Seni Budaya untuk pembangunan modal insan”. Kata Ketua Pengarah JKKN, Tuan Haji Mesran bin Mohd Yusop dalam satu kenyataan pada hari ini.

Bagi mendapatkan maklumat mengenai senarai program ataupun aktiviti yang dianjurkan oleh JKKN orang ramai boleh mendapatkannya di laman

web rasmi JKKN iaitu www.jkkn.gov.my ataupun boleh layari *facebook* JKKN melalui pautan Jabatan Kebudayaan dan Kesenian Negara.

-TAMAT-

Dikeluarkan Oleh:

Unit Komunikasi Korporat
Jabatan Kebudayaan dan Kesenian Negara
Tel : 03-2614 8200 Faks : 03-2697 0786

Website: www.jkkn.gov.my **Email:** ukk@jkkn.gov.my

Platform Media Sosial Rasmi JKKN:

Facebook: @Jabatan Kebudayaan dan Kesenian Negara dan @mysenibudaya

Instagram, Twitter & You Tube : @mysenibudaya

Untuk Pertanyaan, Sila Hubungi

Mazidah Binti Mustapha Pengarah Unit Komunikasi Korporat, JKKN mazidah@jkkn.gov.my Tel: 03-2614 8200	Nik Mohd Fadly Bin Nik Mat Penolong Pengarah Kanan Unit Komunikasi Korporat, JKKN nikfadly@jkkn.gov.my Tel: 03-2614 8200 / 013-382 2115
---	---